

Nunanut allanut tunngasutigut naalackersuinikkut ingerlatsineq pillugu pilersaarut nassuiaallu 2011

(Naalackersuisut Siulittaasuat aamma Nunanut allanut tunngasunut Naalackersuisoq)

Saqqummiussissut

(Naalackersuisut Siulittaasuat aamma Nunanut allanut tunngasunut Naalackersuisoq)

Naalackersuisut sinnerlugit nunanut allanut tunngasutigut naalackersuinikkut ingerlatsineq pillugu pilersaarut nassuiaallu saqqummiutissavara.

Ukioq manna nassuiaammi nutaajusoq tassaavoq, siunissami takorluukkat pilersaarutillu qitiutillugit eqqartorneqarnerat. Nassuiaat immikkoortunut marlunnut avinneqarsimavoq: Immikkoortumi siullermi nunanut allanut tunngasutigut naalackersuinikkut ingerlatsineq pillugu sulinermi takorluukkat pilersaarutillu nassuiaatigineqarput, immikkoortullu aappaani pilersaarutit pingaarnersiorlugit toqqarsimasanut tunngavigineqartut erseqqinnerusumik nassuiaatigineqarput.

Takorluukkat pilersaarutillu

Pilersaarutitut tunaartarinqartut Namminersorneq pillugu Isumalioqatigiissitap isumaliutissiissutaani partiillu Naalackersuisooqatigiissutaasut isumaqatigiissutaanni pingaarnertut anguniagassanit tunngaveqarput.

Pilersaarummi ersersinniarneqarput pissutsit Nunatta ukui tullerni qulini ineriartornissaanut aalajangiisuullunnartussat. Erseqqissarneqassaaq, pilersaarut manna tassaammat Nunatta nunanut allanut sillimaniarnermullu tunngasutigut nammineerluni pilersaarutaa, kalaallit uagut nammineerluta qanoq aaqqissuussinissatsinnik tikkuussisussa sunillu anguniagassatsinnik tunaartaqassanersugut.

Naatsumik oqaatigineqarsinnaavoq, pilersaarut Kalaallit Nunaata nunani tamalaani inissisimanerata sunnuteqarneratalu nukittorsarnissaat siunertarinqartoq. Issittoq pillugu suleqatigiinnermi, illersornissami sillimaniarnermilu politikkimi, sila pisuussutillu pillugit, nunani tamalaani kattuffinni EU-tut Naalagaaffiit Peqatigiittullu ittuni sulinermi, Nunani Avannarlerni suleqatigiinnermi, niuernermi inuussutissarsiornermilu, naalagaaffinnut allanut attaveqarnermi kiisalu nunani allani sulinermi Kalaallit Nunaata kiffaanngissuseqartumik nammineerluni nunani tamalaani sulinermi periarfissatigut nangittumik piginnaasatigut sinniisoqarnikkullu aalajangiisuusumik nukittorsarnissaa pingaarnertut pilersaarummi qitiutillugit sammineqarput.

Tunuliaqutigineqartoq itinerusumillu nassuiaat

Immikkoortumi tassani – pilersaarutitut tunaartarinqartunut tunngavigineqartut saniatigut – ukiumi qaangiuttumi pisimasut sukumiinerusumik nassuiarneqarput. Naalackersuisut pingaartippaat, Inatsisartuni ilaasortat Kalaallit Nunaata nunani tamalaani akuuffigisimasaanni pisimasorpassuulersimasut pillugit paasissutissanik sukumiisumik pilersorneqarnissaat. Kalaallit Nunaata ineriartortinnissaa, Namminersorlutik Oqartussat nunanullu allanut politikkerput pillugit ataatsimut anguniagaqarpugut neriuppungalu siunissami anguniakkagut pillugit isumaqatigiinnermik siamasissumik pilersitsisinnaassalluta, tassunga ilanngullugu qanoq iliornitsigut piginnaasatsinnik ineriartortitsisinnaanerput.

Neriuppunga, nunanut allanut tunngasutigut naalackersuinikkut ingerlatsineq pillugu pilersaarut nassuiaallu pitsaasumik angusaqarfiulluartumillu oqallinnermik tunngaviliisuussasoq.